

雲遊後錄

龜

庫文閣内			
三七 函	三四五六 號	三 冊	和書類
二架			

下

共三

内閣文庫	
番號	和 34658
冊數	3 (3)
函號	177 1150



編備
用備

雲遊後錄卷三

典藉

紀行

上毛關龔子敬著

余未觀平安浪華安在其好遊也自北征之
初心已在兩都及賞雪東園矣謂余曰子欲
西遊乎喜負東園花惜乎花之不幸也此亦
疾之置赤心於人腹中也余稽首謝恩神益
飛矣已而夙夜配書不遑暇食余亦樂而忘

雲遊後錄卷三

請不翅及東園花又見酒泉螢歸心忽熾遊
趣寒矣乃得請以孟夏既望起身余初欲取
歸路於東海今已棄二京皮之不存毛將焉
傳乃卜程岐蘇取其捷也先期三日賜宴于
前劍岳君及諸世臣陪焉禮待甚優亦郭隗
視余也酒間手賜手畫大杯餞詩附以諸子
作既又就館賜絺衣裳裝竹成房將命

十六日霖雨新晴亦行人一喜也蚤食發館原

千里田駒六奉教護送劍岳君源伯績叔先
滕美卿青士憲海章卿東重喜峽實秀諸子
亦送抵榛田驛飲旗亭亭枕龍水漲浪洶湧
掀簸浮橋宛如驚龍亂流矣酩酊與諸君別
過福井抵淺水驛見玉江及朝六橋朝六淺水國讀
相共國歌所詠也東見文殊山東北曰東鄉
朝倉高景子正景所居因稱東鄉氏至豐公
時以其地封長谷川氏一乘谷在其東南即

朝倉氏累世居址也按野史其先但州朝倉人廣景以延元二年從足利高經伐新田氏遂居黑丸城其子敏景始作本州刺史新治一乘谷抵鯖江聞東里餘有瓜生氏故宅渡白鬼川抵府城古昔五馬之所臨織田氏之取本州也以封前田侯聽柴田勝家約束及豐公敗勝家賤岳長驅至此獨從一童子進叩城門一晤降之云東南一山奇秀名曰雛

岳宿腋本驛

十七日曉發行久之路逼峻崖紫藤盛萃地名關鼻亦名蹟也抵鯖波驛慶長之難大谷吉隆所營處水東有瓜生氏楚摩山城跡延元中新田公據此攻拔府城走足利高經度湯尾嶺抵今莊驛歸川鹿谷川相會驛西一山枕北石骨稜稜矣云是燧城之墟平語載壽永二年北陸諸將爲岐蘇氏守焉壅能美新

道兩水環以爲固以拒平氏平泉寺僧某啓
平氏壞其隄城兵不能拒守走加州能美新
道豈今之兩水耶相傳方其壅水匯水所歸
故名歸川此傳會耳其水自歸山來所以得
名也余嘗閱地圖燧城之址在水東今日燧
村土人說蓋妄矣聞經歸山出角鹿郡踰愛
發關而入江州此卽古時官道所謂越中山
二屋關亦皆在其間又有覆鉢山高爽宜望

曠云過相波大門兩村地隸圓陵名干乾梯
自是兩山盤互緣溪取路過虎杖驛登椽樹
阪阪頂有歇息卽江越分壤之所過此足指
始俛抵中河內驛聞安土氏始開此山道而
愛發之路廢矣降山茶阪抵柳瀨驛有關彥
根侯疆場也路復入兩山之交行一峯在東
野村西賤岳在余吾村西其間有池可周十
里呼曰余吾湖與琵琶湖隔一賤岳耳天正

十一年豐公敗柴田勝家處土人云勝家舊營曰中内尾在柳瀨北佐盛政陳行一峯其趾卽七豪士稍敵及柴田勝政戰死之處曰勝負谷又聞東山之麓有豐公所起京觀焉按野史勝家以佐盛政等觀兵木下豐公發長濱至賤岳爲十四隊對之已而織田信孝背盟躡後豐公自將攻之大垣盛政聞其虛襲中川氏余吾營殺之勝家在堀秀政東

野營恐其席勝踏危急令收兵盛政不聽果至敗績毛受勝助詐稱勝家戰死柳瀨勝家僅得遁走皆後路所歷也暝宿木下驛有地藏堂頗宏麗

十八日渡負水抵小谷驛西南得一丘曰虎御前卽織田氏舊壘之所其東南亦有一山墟東北與小谷山對小谷故城淺井氏所據天正元年織田氏滅之以其地賜豐公後徙治

長濱其地在湖東距此不遠及橫山澤山兩
墟亦在旁近其小谷支城也雲雀山在小谷
東亦織田氏所營處其陰又有一山似故堡
者不知為何名質之土人土人曰子有故城
癖乎木下地藏視篆僧粥故城圖何不資之
地藏堂北山亦羽柴秀長故壘也行久之抵
姊川

神祖助織田氏敗越兵處名曰龍鼻其水江濃

山溪所注逕圓栢西麓來圓栢山在春照驛
北西南面平安城與叡山同為鬼門之鎮云
山腰有村曰太平寺煙樹依微崩壁懸泉黼
黻左右宛如圖書國史載武王踰圓栢山為
毒蛇所噬豈其此耶南見靈山西見白壁連
互煙雲間聞是湖西山也自是路益陂陀久
之渡藤川古所謂關藤川下流入桑海聞江
水不注湖者唯此耳賤岳之役豐公自大垣

還師至此疾驅連斃三馬見于野史過玉村
是爲江濃之界又行久之抵關原卽

神祖敗石田三成處方事之殷西師倒戈豈非
天意乎牧野之烈蓋不能專美也不破關遺
址今不能指其所或云驛西有大關村卽此
天武帝敗帝大友處也自是係中山官道抵垂
冰驛有垂冰泉多古歌詠掬飲之清甘慰齒
訪金蓮寺有春王安王墓二子鎌倉持氏子

持氏亡後結城氏朝奉二子據祇園城源將
軍義教遣其子子王及兩上杉氏滅之諸將
俘二子獻之京師命殺於此事見傳記觀南
宮祠金山彦陪祠門廊窮極華麗金碧眩目
左丘上有古鐵燈穿鏽之餘銘不明亮實數
百年物也驛尾有間川東海中山兩道岐于
此矣過青野抵青塚村道左有三墓楬云源
義朝及其子義平朝長墓其前蘆篠雜生云

源義經所裁又有照姬松皆妾也或云亭長大炊故宅在村北里餘朝長墓在焉平治之難源義朝敗奔匿亭長大炊氏已而遣義平于飛州朝長傷不能行義朝醜其死於敵手刃埋之其餘從者鎌田澀谷數人耳於是土人來襲佐渡重成詐代義朝戰死義朝竊脫走尾州遂為長田忠宗所弑義平嗣斬于京師賴朝亦虜于關原初大炊女圓珠幸於義

朝生女夜叉甫十一年聞兄賴朝被虜自投杙瀨水而死其水在赤阪驛建武四年今川範國拒北畠顯家亦此也赤阪山皆赤土可以為黃丹多奇石產石脂滑石自然銅禹餘糧云

十九日味爽發赤阪西南見多度山古出醴泉元正帝巡狩飲之賜名養老瀑遂號其年亦稱其山瀑水可長里餘為簾為布奇觀不一云

雲遊後錄卷三
余不能爲親汲一瓢亦唯爲親促歸已南有
洲股驛路養和元年平氏拒源氏永祿中織
田氏築壘攻齋藤龍興皆其地也渡久世水
發源越前云天正中織田公伐峽抵呂久津
羽林信忠使來獻仁科信盛首卽此過美江
寺右見大垣城渡絲貫川亦和歌所詠也河
渡驛枕飛水水自飛州來故名下流與久世
水合過洲股而入桑海云抵加納驛正北見

雪山規模非常余疑其爲白山問之果然左
見稻葉山卽在黃門所詠齋藤氏城而居之
織田氏滅龍興自清洲徙焉改曰岐阜城後
遷居安土以岐阜封三七信孝終爲豐公所
滅土俗指其廩而長者曰稻葉其小而秀者
曰岐阜亦名金華山過各務原東望一高山
煙靄中云是惠那山也過鶉沼驛右見犬山
城踰一阪巖勢築立斷鑿作門其上有突安

觀音阪



雲遊後録卷三

九下

芙蓉園



雲遊後録卷三

置觀音因呼觀音阪岐蘇水啣于腳底其流騰激潰駛藍白起伏對岸直上數十百仞長可十之平直中繩不嵌尺土仰觀于天不過兩岸之際景界殆若入壺中焉聞水南有栗栖村距犬山五里河尻肥州所處勝山村左通一路可走關及郡上云過大田驛渡岐蘇水津甚深濶水如建瓴可畏矣宿伏水驛此及大田皆有飛州道

二十日曉發伏水聞北有森武州城跡呼曰兼山按野史天正中豐公與平內府戰武州陳羽黑豈其此乎御岳驛右見一墟傳是河尻氏支城四十餘里抵細湫驛路在山岡四方高山起伏煙表西爲圓栢山次北爲南越之山正北爲白山次東爲御岳正東爲惠那山正南爲眞木山是濃尾參三州之界云四十里過大湫抵牧金村道右有石燈兩基走伊

勢道也因憶余爲兒從家君行是路距今幾
二紀家君逝矣豈可勝感念哉過西行阪有
稱西行墓者不知故事抵大井國史所載舊
驛也北有一墟據野史此及苗木馬籠中津
皆織田公築若備巖邑城巖邑在南三十里
天正中武田氏置秋山晴近以謀西畧三十
五里宿中津驛西見一山如屋名曰大伏北
有苗木城聞其山產磁石

念一日十里抵落合驛渡湯舟溪有吉田兼好
幽居之跡云又聞溪上多檜與紀之熊野更
出伊勢

大廟之材亡何踰馬籠嶺峻危嶮惡不知幾九
折數年前山崩道陷迂回益甚即濃信分壤
之所自此已往所謂岐蘇十一驛也右有伊
奈縣道或云古人曰岐蘇阪曰信濃阪即此
又按地名考云今惠那山是也踰此至伊奈

尚有古驛名存焉三十里抵妻子驛左有山
墟云是岐蘇氏所築堡處過御殿驛岐蘇水
往往食崖通以棧閣四十里過野尻驛水復
啣山足以板閣補之有石竝立如門面得一
大圓丘相傳今井兼平城址其下曰今井村因
其族也水北有戶谷村亦其兄兼光所宅云
去渡伊奈水二十里宿須原驛土人燒樺皮
當燈燭因語云岐蘇山中陜隘而境墾耕種

不足自食而況租庸徵發乎唯是山多樹木
歲出材鉅萬投之岐蘇水不數日達於桑海
其利不可勝計以故於尾公之封域有陸海
之稱也

念二日小雨二十餘里抵小野村有水簾懸崖
十許仞石理疊成如方解石泉降階一級分
成雌雄而下幽齋源公記云不愧引布箕尾
之勝恐過賞耳觀寐覺牀有寺曰臨川據於

絕壁下則岐蘇水也。巨石束水隘所不過數步而長數百步。水色如藍。涌躍轂轉石皆怪譎。奇偉曰牀。曰箱。曰狻猊。曰象。曰肉案。曰金。曰帽。曰重席。曰蓮花。皆以形似爲目。南有天女廟。北有浦島祠。相傳昔浦島子釣于此。據國史其人丹波水。江人不釣則已。背海向山可乎。冰青乎。演劇之妄哉。過上松驛見一石立水中。呼曰浮石。數里經所謂懸棧。疊石鱗。

砌牢如崖岸以防激湍。長數百步。傳記載推古帝時投化百濟路子工造之。其地在山上。豈其然耶。今則平行無虞矣。行久之道左有華表扁曰御岳。一水西北來會岐蘇水。形如丁字。名曰大瀧。又呼御岳。御岳在其上流百里。云天文中峽主信玄遣諸將攻御岳城。原昌勝用異人言。行前開徑。事見野史。其山高峻。七雙而在本州極北。以故涸陰沍寒四時。

有冰雪入跡罕至矣七八年前有頭陀僧來誘土人登陟數回其終不食立枯山中其體成僵尸人皆異之遂多登覽者云此豈原氏之後身邪余往歲登富岳聞身祿者事亦又類此蓋貪名之過也二十五里抵福島驛坊市夾兩岸人煙繁湊甲午岐蘇山中往時旭將軍之裔義昌所處或云將軍亦居此今縣令山村氏邑焉并尹于關踰此又有一水北

來名曰黑水抵小澤村駒岳在東南甚近峰巒競秀皆見餘雪蓋御岳之亞也聞昔時其麓有瀦水丙午歲出蛟其水終涸矣又行少許道右有中原兼光宅跡祠之曰御靈十五里抵宮腰驛相傳旭將軍故城卽此其墟在驛東北後人就建祠焉福島猶可若此寒鄉豈可城乎疑是中三兼遠之居也按平語將軍少長於中三氏後據依田城舉兵其地在

小縣至是岐蘇水甚小渡橋有德恩寺聞藏
旭將軍寫真天抵岐蘇山皆石骨而含水故
山勢奇秀而多樹川流湍悍而淵回自福島
來山寢藏骨樹亦隨減行程乍東乍北自發
宮腰迴山西北行則水益小兩山兀如培塿
耳然自佗州視之已在天中故風威常烈人
家不陋而矮以辟漂搖所在皆然渡吉田橋
二十餘里抵敷原驛天文中機山氏築岩處

地多櫛工梳天下男女北有飛州道後岐蘇
水源經小岐蘇村蓋岐蘇山道之名所由起
也國史亦爲吉蘇今俗作木曾皆國讀近而
借用耳度華表嶺古有御岳華表因名云天
正十年岐蘇義昌敗武田信豐地也十四里
宿習井驛犀水發駒岳東北流逕驛南相傳
昔時有犀爲暴源大將軍賴朝命泉親衛捕
之亦齊東之語也

念三日蚤發左右犀水而下凡渡橋者三過贄
川驛二十許里抵櫻溪村有小溪云是岐蘇
末界土人皆業獵多鬻熊膽獸皮又有居異
鳥蛟骨等及畜熊者一熊大如半馬肥脂似
貓面柔可掬與之糕餅箕踞以前趾奉而食
之咀嚼久之始下咽問之主姬云自其生年
畜之今已十稔過元山驛山始闢二十里抵
洗馬驛古有洗馬氏降峽見殺見于野史行

少許左有長瀨村即長瀨判官所居東北曰
今井村今井兼平生于此云過桔梗原天文
二十二年機山氏與源長清戰焉大敗之遂
拔深志城深志今名松本在東北數十里極
自北望沃野壇曼桑麻如煙東西四十許里
南北可二百里犀水東北流貫其中央繚以
層山高下大小迴抱倚伏西始曰八榛山上
有義仲泉馬跡石傳是旭將軍遺蹤次北曰

騎鞍山隸飛州次北即立山之陽白雪皓然
望如冬嶺其次曰中房山律崒靈異半山尚
雪云山徑通立山一山坦迤其前是爲有明
山和歌所詠其東又見雪山正中犀水之衝
蓋北越之山也東北眺戶隱山東少南矚潮
後嶺其餘不能指名矣二十里午飯潮後驛
右有伊奈道聞南四十里有樋口村即中原
兼光居址故以爲族去上嶺道天文十七年

機山與信兵戰身被三傷此也聞之嶺之勝
槩在諏訪湖分富岳之嬌面矣是日美人隱
千雲幔唯見明鏡耳三十里抵下諏訪驛地
在湖東觀溫泉謁諏訪祠有上下兩祠其祠
典所載十里宿上諏訪亦有溫泉其城曰高
島在湖南岸湖方四十許里下流爲天龍水
多鯉鮒鱒鰻云嘗聞土人履氷往來湖上
要須神行余據郭緣生之言疑其爲狐土人

曰否神行水必龜坼非微獸明矣

念四日秉燭而發過桑原村見壘跡二其一名
清水城天文十一年峽主始入本郡築壘桑
原置板垣信形豈其此耶抵千野村應永中
新田桃井諸公奉上毛王至焉千野賴憲納
之島碕城已而有浪合之事亦見于野史四
十餘里過金澤驛抵神戶村東有御射山祠
其祭以七月念七日為芒屋野外輿神居之

遠近男女蠹集禱賽古歌詠其事抵仙翁村
一澗迴山出于道右水清沙潔其為無釜水
目擊可知二十里午飯葛木驛天文八年板
垣信形敗諏訪兵處十四年機山與諏訪賴
茂盟以此為界遂誘賴茂殺之後納其女而
生後主終至絕祀所謂出于爾者反乎爾者
悲夫渡無釜水過山口關即峽之界也經教
來石村馬場信房初稱教來石景政蓋處此

矣自是山間稍寬道左有松林密生如麻麥
抵臺原驛天在中北條氏直陳師處也地在
駒岳東麓其山蟠于峽信峻峭少雙聞山頂
有泉東下石階天造每級受泉為池名曰千
潭言其多且深也渡大武川抵圓井村即德
島渠股引之處其事見物子紀行又渡無金
水穴山村在左壁上即穴山梅雪所居其壁
自為木達葦碕削成如牆高數十仞長七十

里後主所恃以為新府余往歲遊而記之矣
宿葦碕驛

念五日已牌抵州治未牌抵高室村見保藏及
諸子久要之情溢于辭色

念六日與高君陽訪花輪堡正輔不在遂之古
市見大窪諸子宿于厚氏歡飲劇談徹旦焉
士彥士信父子及主人皆有贈詩

念七日訪南湖外尾安藤兩氏還過堡氏主人

既置酒待矣，侑以贈詩，蓋盛欲投轄，罄驩，余歸心如燬，不能副其意，遺憾可知矣。薄暮辭還高室。

念八日將登天目山，尋匠作公遺跡，余之道峽有是命也。佛工兀人，故東都人，久客居峽，頗知本地事故，倩之為伴。天明發高室，高君壽淺，東五送抵治城，醉別旗亭，下未抵鶴瀨驛，出關，左折循白水行，下晡宿田野，景德院刹。

主大椿和尚高保藏舊知也。

念九日謁後主廟，後主父子及夫人北條氏皆影像從死，臣妾及僧麟岳等四十九人，則牌子也。背有五墓，後主母子各一，從死者合葬為二壩，中有石云是後主所踞，而自刃廟前之山曰茶湯山，景德草創之時。

神祖所賜以共香火也。後主之事野史多失實，物子所記得之云其畧曰：後主既知事不濟，

乃閉夫人衆姬一民家而火之然後取終信
勝及將校等亦皆自裁或相刺以死兵解之
日僧拈橋者來斂之屍血淋漓君臣不辨乃
同葬一壙即今建廟處也又有平山不動祠
相傳平山季重落魄來此祠其所齎不動畫
像本村平山氏即其苗裔故奉祠不衰其畫
幅今藏景德院住持出視之古拙殊甚蓋數
百年物也將探天目山往持遣一雛僧鄉導

自此徑皆倏澗險隘益甚行少許得小平處
名曰屋形平相傳武田信重宅焉信重機山
七世祖信滿之子也信滿亡後走紀高野山
薙髮事見記傳可五里大倉水自東日水自
西共迸斷崖爲瀑布雌雄並下會于其下高
五六丈許名曰龍門瀑遠望之樹木鬱蒼不
悉全體葉間霏白宛如雨雪又行少遠崖崩
作棧呼曰挂鍵閣云織田氏之兵自深澤澀

谷踰山而來，壞此絕後主，走路涉大倉燒山，兩溪登枕阪，阪頭榻，云雷鬪峽，左臨無底之壑，水聲雷咆，聒耳，右見一峯曰天童山，即景德所氏半峯，有懸巖，云是雷鬪峽，無謂矣。此必以澗水喧逐為名，豈得非下之深壑乎？渡木賊川，檜樹夾徑，樹盡得村，煙戶數十，曰天目村，背即天目山寺，名樓雲樓門扁榜曰天目山，南與富岳對，故名曰對岳閣，云雲霧蔽

之矣。見住持僧問，匠作公事，其對含糊不足深詰矣。余於是乎無所及，命能不悵然哉。住持出視其什寶，曰武田信滿，匕首字多國宗，所鑄銘闕，宗字乃縮長為短者，信滿遂授藝州刺史，相傳有惡疾，不欲見人，因隱居此山中。當初曰木賊山，招業海開棲雲寺，改名天目山，其養疾處在木賊水上十許里。云按野史源大將軍賴朝分峽為三，西賜逸見氏中

武田氏東加藤氏後武田氏益大臣加藤氏
逼逸見氏當室町氏之時信滿姊妹適鎌倉
之老上杉禪秀及禪秀敗逸見有直因二階
堂三州請復舊地鎌倉氏許之遣上杉憲宗
助有直而伐信滿信滿迎拒之鶴縣敗焉走
木賊山自裁實應永二十四年也至其子信
長遂殺有直復父祖地云曰藕絲袈裟初業
海學道於中華師天目明本及歸明本以此

授之書其端曰明本與本淨即明本書本淨
即業海名也其餘細書不可盡讀曰摩利支
天鏡徑八九寸裏無款識文飾曰業海鏡其
大相若其裏隆起作觀音及童子奏樂圖曰
天目茶碗曰香爐皆業海自元齋來者影堂
在佛堂西曰傳燈庵置明本業海影像明本
像明本自刻其首而與業海業海負之歸亦
手作其體合之云魁梧豐腴有寬柔相業海

像亦所自彫墮者不能明本半體而亦有拔
俗之韻其精巧其非後世工人所及矣西北
有信滿及諸臣墓西南隔日水見峻峯呼曰
飛猿嶺其北麓有池曰西湖相傳古昔罔象
所窟宅處乃登天目山數十步得摩利支天
祠其上巨石柱立而止平曰坐禪石其東敬
側蔭于數席下置羅漢石像者曰忿怒巖其
名蓋出於杜詩矣云精舍未成時開山常居

此下其下石罅成小窟曰金剛窟石面鐫文
殊像卽業海作也又其下曰梵音洞云此穴
和經聲刻其石云貞和四年戊子開茲山建
精舍亦業海書因按下距信滿自盡整七十
年則年數可疑野史蓋謬矣次之曰靈石泉
不知其義石高三丈許南面罅縫之所無埃
土而生檉樹大數抱其根輪困若以黏土投
石狀其石自罅所裂成兩片蓋樹根所開圻

奇甚矣又降一等一老厚朴蟠曲作窟穴狀
號曰遊仙窟下之有月光巖無他奇觀紫藤
盛開延蔓石上自祠而下巨石相疊如階峻
甚闕不可踰則置木焉其間可數百步東有
山神廟天目井鄉道僧曰觀不償勞以故不
探也業海嘗擇十勝詩之藝州繫以國歌則
上所記對岳閣傳燈庵山神廟天目井忿怒
巖雷鬪峽龍門瀑飛猿嶺梵音洞金剛窟也

晡時還田野

晦日食時發田野訪水堡松知院去抵圓林觀
初鹿山圓通寺遺跡及有賀八幡祠乃與佛
工別田野以南曰初鹿野蓋初鹿野氏所居
也畠中抵駒養驛度篠籠嶺訪駒橋長和卿
殿上藤行遠傳語谷邑阪保周島子與小沼
平子遠去過猿橋應永三十三年武田信長
拒足利持氏不克而降此也自鳥澤驛與桂

水別左取山阪阪頭有村曰戀塚百餘里宿
拘目驛地在嶺中

五月初一日平明發拘目行經嶺道旁近諸山
皆獻體千態可喜東見三州嶺峽武相三州
所界云東南原野漸開依微見桂水蓋相州
也十里過堡尻驛路尚在山脊道左有池地
名長岑物子曰機山時加藤丹後所城按野
史其人蓋居上野原焉十五里抵鶴水驛北

有一山似故壘址二水會于山南而逕驛東
亦曰鶴水望矚頗佳文明四年大田資忠敗
加藤氏于此事出野史五里過上野原踰諏
訪關關據絕岸南枕桂水東俯界川共界峽
相兩州經關野芳野三十許里抵橫瀨復入
阪路過小原路益崎嶇左臨巨壑窈冥不見
底久之抵小佛嶺下有茶店渡一溪路極峻
數里抵嶺頂亦有歇息四五東望曠野煙樹

如海無所窮亦無所辨唯見一條練影云是
玉川想都城當在其間耳二十餘里抵小佛
驛又十里過駒木野關右有高尾山道過此
山盡不見一垓二十里抵八王子坊市寬整
土俗稍似東都往時北條氏照自瀑山徙此
其墟在邑北天正十八年前田侯爲豐公攻
拔之守將中山狩野等殉城其事甚烈詳見
野史乃北折取毛州路涉阿坐川卽故城所

帶也久之出高原四顧廣莫嶮廓天與野接
余於是乎始知武野之大也渡玉川念此水
至都養百萬之口余已以小技糊口於都則
癸之德多於庚豈不沐浴乎二十里宿灰島
村南見松丘乃瀑山故城大石氏世居此北
條氏照養于其家後復本姓氏照常曰瀑自
上下者非吉祥焉乃徙八王子則城反陷
矣此何異孫叔之寢丘也余記以告信機祥

省永祿中峽主軍灰島攻瀑山見于野史
初二日以味爽發行指子丑地甚平準道路往
往作十字面見遙山點綴乎樹杪蓋日光赤
城諸山也渡一大渠云是自玉川所醜二十
餘里抵箱根碕中間非榛薄則田野絕不見
一家矣可七八里抵雙樹驛聞五十子故城
在東南二十里堀越氏之時山内房顯居焉
數與古河氏戰終卒于此小手指原在南數

十里新田公與鎌倉兵戰處又今川基氏子
某篤疾縛足馬鞍而戰死亦此也七十里渡
入間巨摩都築三水高春宿松山驛城址在
邑東里餘按野史其城上田左金吾所築天
文中難波田彈正居此北條氏綱父子攻河
越城扇谷朝定恐走本城北條氏逐北又攻
之彈正出戰不利而退相人山中主膳口占
一歌嘲之彈正應以末松山古歌人稱其敏

雲遊後錄卷三
云永祿中上田安獨齋爲北條氏守之上杉
霜臺將大田三樂拔之置憲政季子憲勝武
田機山助北條氏康復取之再置安獨齋豐
公小田原之役安獨齋在小田原留守難波
田木呂子等降前田侯其城遂廢矣土人語
曰城壁有數十穴不知何故因按氏康之攻
憲勝募鑛人掘壘蓋其跡也

初三日渡荒水三十里抵熊谷迫暝宿殿梁

初四日未牌歸鄉聞宮子伸喪明往哭之

初十日游澤渡溫泉會玉泉晃公來浴且源子

孝田子民高子亮諸故舊多來問乃留十日

日夜歡宴道故耳澤渡吾祖先所處大父玄

丘府君始徙沼田

念二日食時發澤渡同子亮訪子孝氏小飲子

孝以其子九郎送抵中條飲酒肆圓山生亦

至未牌始訣去宿中山驛

念三日踰中山嶺過鹿野橋而還橋架礪水西岸壁立數十仞東岸可五六仞就石骨爲基補以斲石貫以鐵柱橋高十數仞長十餘丈中間不居一柱穹然如虹其下激湍電逝雪翻一往不容瞬數百步然後始淵復泓澄色如碧玉其旁多怪石人立於水中號辨慶石擁腫磊砢若蟠根錯節稱疑巖此其最顯者其餘不暇臚述吾鄉之遊者以是爲稱首

焉記余去鄉之歲故南雲田先生田子肅秋子餘瞽響泉及今諸子咸飲餞于此慷慨悲歌聲震山谷屈指業已十一年余之所業自若若膠矣余不敏雖不敢題柱而獨不怙怩於心乎躊躇久之始過焉

六月十三日偕內侍母輿發鄉正金石三生及平子穀復修具出餞飲榛下驛戀戀不忍相棄抵入原村始別宿廢梁

十四日宿熊谷

十五日宿浦和

十六日高春歸宇水邸

雲游後錄卷三終

東都 齋藤令德國基

圓陵 淺海貞教章卿

沼田 正木 讓德卿 同校

沼田 正本 時若先民

東都 增田義信子復

毛野之地其山靈秀其水激冽其
人磊砢多棟梁之材余弱冠事先
師蕪山心醉其學識局度中道歸
省鄉里不得復東師二尋沒猶瞖之
共相未知所適後數年遇關君亦
上毛人少小豪邁不羈棄產來東
都初修古文辭已而幡然曰此可已

教於初學及當書牘風流之用耳不
可以記事傳實矣遂成一家之言性
好山川體便跋涉以是倦則雲遊猖
狂無常嘗遊北越復入蝦夷當其在
峽吾族命不佞萬邦邀諸東都之邸
執弟子之禮以待之若歲至圓陵於
是雲遊前後錄成矣先是君遭回祿

多亡著述門人恐之請梓氏集然君
既易抒袖多係廢棄者以故不許
乃謀刻此錄族作序曰公于世命不
佞萬邦跋固辭不得遂書其事

圓陵 青萬邦書



懷風館藏版

關赤城先生著

享和元年辛酉七月

東都

須原屋茂兵衛

Vertical text in the right margin, including the characters '圖' and '青'.

